

王子安集

一

開化圖書館

Kaohua Library

開化圖書館

Kaichua Library

王 子 卷 六

子 卷 六

開化圖書館

Kaohua library

四部
集部

集部

一十

開化圖書館

Kaichua library

王子安集
卷六
附錄
十一

四部叢刊集部

上海涵芬樓借江南
圖書館威明張紹和
刊本景印原書版匡
高營造尺六寸三四
分寬四寸六分

刻初唐四子集序

今海內湛深經術淹賸名理之
學蓋莫長於閩而紹和徵君其
尊宿也往余里居嘗嘆吾鄉之
有仲醇清漳之有紹和山歸然稱
二大老仲醇得生同里閑少而

習之紹和則已如天際真人蕪
葭宛在矣屬有天幸承乏此邦
遂得登其堂披其帷盡聆塵下
之霏屑兼茲枕中之鴻寶伐柯
我覲永畢於斯雖復平子之杼
華揆藻茂先之比物連類但有

過之無不及也。紹和雅志，好脩
不僮立言，垂竝然其撰述之富
抑亦近代所無。既已蒐刻漢魏
以來七十有二家，將漸次及於
三唐兩宋。今後世尚友作者如
入寶林，豈非快事。廼所梓，僅及

序二
初唐四君子尚未竣事而紹和
告歿矣嗟乎人琴俱亡管人所
痛令唐初以後諸君子精神不
經洗發豈不與紹和俱亡哉余
小子竊奮志焉而未之逮尚冀
後人不昧斯旨豈惟諸君子不

亡即紹和亦不亡矣唐初風氣
靡縻六朝綺靡剗削未盡四子
傑出力厚而致豐觀拾遺江河
萬古之推尊則知當時已群用
見晒而紹和又極力表章四子
之品行使不以噐識兩字抹殺

豈惟與江河並流雖與日月爭
先可也若紹和者可謂能激顯
闡幽者也據壇坫而稱尊宿不
虛也

崇禎庚辰仲龜望後八日梁谿
後學曹荃題于漳署之霞北艸

堂

開化圖書館

Kaishwa library

開化圖書館

Kaichua library

王子安集序

自裴氏以器識程人而抹殺文
藝謂四傑輕浮淺露必非騁邁
長享之骨而四子淹躓不振一
時割斷終莫能拔此不過愛憎
之言幸而中耳然則男子生世

必盡槐鼎期頤如孔光張禹及
近孔敬宗輩始克自標根器而
不愧鬚眉恐世間無此名教也
且四子本傳不過揚已護前無
所與讓先輩見而惡之耳若六
朝傷化敗倫之事萬々必無豈

可投畀之死法中也子安天性
過人夙企曾閔所遭多忤然父
子兄弟之際自成雍熙至其貽
愆高堂貶官遠播百悔填膺無
以自贖勢必自投蛟龍腹中以
為化身處美足自原也盧昇之

灌園以奉母佞佛以延母而志
俱不可伸有心人宜共惋痛若
李公起義駱公應之浩氣凌霄
尺檄殲此今
明興已祀侍御于學宮不知並
時之人却目之為叛累代皆狂

亦獨何哉盈川以從叔弟神讓
與李敬業有連神讓被誅盈川
亦用外鑄貞柯殘翠傲彼華苑
四君子炳々如此不獎賞其忠
孝之大節而詆訶其褊急之小
疵顧不謬哉子安謂人子必銳


意醫部事曹元而通秘乞鄂州
而採藥其與弟詩云自余返初
服無情想高蓋報國豈無情從
親心乃大家門往復和易真摯
且祖述河汾多所蒞明大有琅
琅禮樂器者焉公文大率從引

滿擁被酣暢得來玄鶴爭蜚絳
螭百變即雕鏤者所不能爭其
工又字之俱有根蒂非漫言者
小序碎金輝動衫袖諸廟寺碑
以三珠之樹綵增七寶之莊嚴
迺乾元殿等頌何以不動同時

之嘆運命所遭豈大力所得高
坐而柳榆哉余因叙子安集而
脩書四傑忠孝之大凡千年煙
靄至是經天明識君子必以余
為知言


蜚遜老人張燮識於麟角堂

藝苑卮言曰裴行儉弗取四傑懸
斷終始然亦臆中耳彼所重王劇
王勔蘇味道者一以鈎黨取族一
以模稜貶竄區々相位何益人毛



序五
髮事千古肉食不識丁人舉為
談柄良可咲也王長公此段正
先得我心而余又互有發明聊
質之裴氏爨又識

化
菊
u a l h u



唐王子安集舊序

唐華陰楊炯撰

大矣哉文之時義也有天文焉察時以觀其變
有人文焉立言以重其範歷年茲久遍爲文質
應運以發其明因人以通其粹仲尼旣沒游夏
光洙泗之風屈平自沈唐宋弘汨羅之跡文儒
於焉異術詞賦所以殊源逮秦氏燔書斯文天
喪漢皇改運此道不還賈馬蔚興已虧於雅頌
曹王傑起更失於風騷儷俛大猷未忝前載洎
乎潘陸奮發孫許相因繼之以顏謝申之以江

鮑梁魏群材周隋衆制或苟求蟲篆未盡力於
丘墳或獨徇波瀾不尋源於禮樂會時沿革循
名抑揚多守律以自全罕非常而制物其有飛
馳倏忽倜儻紛綸鼓動包四海之名變化成一
家之體蹈前賢之未識探先聖之不言經籍爲
心得王何於逸契風雲入思叶張左於神交故
能使六合殊材並推心於意匠八方好事咸受
氣於文樞出軌躅而驤首馳光芒而動俗非君
之博物孰能致於此乎君諱勃字子安太原祁

人也其先出自有周濬啓大明之裔隱乎炎漢
弘宣高尚之風晉室南遷家聲布於淮海宋臣
北徙門德勝於河汾宏材繼出達人間峙祖父
通隋秀才高第蜀郡司戶書佐蜀王侍讀大業
末退講藝于龍門其卒也門人謚之曰文中子
聞風睹奧起予道帷揣摩三古開闡八風始擯
落於鄒韓終激揚於荀孟父福時歷任太常博
士雍州司功交阯六合二縣令爲齊州長史抑
惟邦彥是日人宗絕六藝以成能兼百行而爲

德司馬談之晚歲思弘授史之功揚子雲之暮
年遂起叅玄之歎君之生也含章是託神何繇
降星辰奇偉之精明何繇出家國賢才之運性
非外獎智乃自然孝本乎未名人應乎初識器
業之敏先乎就傳九歲讀顏氏漢書撰指瑕十
卷十歲包綜六經成乎朞月懸然天得自符昔
訓時師百年之學旬日兼之昔人千載之機立
談可見居難則易在塞咸通於術無所滯於詞
無所假幼有鈞衡之畧獨負舟航之用年十有

四時譽斯歸太常伯劉公巡行風俗見而異之
曰此神童也因加表薦對策高第拜爲朝散郎
沛王之初建國也博選奇士徵爲侍讀奉教撰
平臺鈔畧十篇書就賜帛五十疋先鳴楚館孤
峙齊宮乘忌側目應劉失步臨秀不容尋反初
服遠遊江漢登降岷峨觀精氣之會昌翫靈竒
之肝蠻考文章之跡徵造作之程神機若助日
新其業西南洪筆咸出其詞每有一文海內驚
瞻所製九隴縣孔子廟堂碑文宏偉絕人稀代

爲寶正平之作不能奪也咸亨之初乃叅時選
三府交辟遇疾辭焉友人陵季友時爲虢州司
法盛稱弘農藥物廼求補虢州叅軍坐免歲餘
尋復舊職棄官沈跡就養于交趾焉長卿坐廢
於時君山不合於朝豈無媒也其惟命乎富貴
比於浮雲光陰踰於尺璧著撰之志自此居多
觀覽舊章翱翔群藝隨方滲漉于何不盡在乎
詞翰倍所用心嘗以龍朔初載文場變體爭構
纖微競爲雕刻糝之金玉龍鳳亂之朱紫青黃

影帶以徇其功假對以稱其美骨氣都盡剛健
不聞思革其弊用光志業薛令公朝右文宗託
末契而推一變盧照鄰人間才傑覽清規而輟
九攻知音與之矣知己從之矣於是鼓舞其心
發洩其用八絃馳驟於思緒萬代出沒於毫端
契將徃而必融防未來而先制動搖文律宮商
有奔命之勞沃蕩詞源河海無息肩之地以茲
偉鑒取其雄伯壯而不虛剛而能潤雕而不碎
按而彌堅大則用之以時小則施之有序徒縱

橫以取勢非鼓怒以爲資長風一振衆萌自偃
遂使繁綜淺術無藩籬之固紛繪小才失金湯
之險積年綺碎一朝清廓翰苑豁如詞林增峻
反諸宏博君之力焉矯枉過正文之權也後進
之士翕然景慕久倦樊籠咸思自釋近則面受
而心服遠則言發而響應教之者逾於激電傳
之者速於置郵得其片言而忽焉高視假其一
氣則邈矣孤騫竊形骸者旣昭發於樞機吸精
微者亦潛附於聲律雖雅才之變例誠壯思之

雄宗也妙異之徒別爲縱誕專求恠說爭發大
言乾坤日月張其文山河鬼神走其思長句以
增其滯容氣以廣其靈已逾江南之風漸成河
朔之制謬稱相述罕識其源扣純粹之精機未
投足而先逝覽奔放之偏節已滯心而忘返迺
相循於跼步豈見習於通方信譎不同非墨翟
之過重增其放豈莊周之失唱高罕屬旣知之
矣以文罪我其可得乎君以爲摘藻彫章研幾
之餘事知來藏往探賾之所宗隨時以發其惟

應便稽古以成其殆察微循紫宮於北門幽求
聖律訪玄扈於東洛響像天人每覽韋編思弘
大易周流窮乎八索變動該乎四營爲之發揮
以成注解嘗因夜夢有稱孔夫子而謂之曰易
有太極子其勉之寤而循環思過半矣於是窮
著蔡以像告考爻彖以情言旣乘理而得玄亦
研精而循道虞仲翔之盡思徒見三爻韓康伯
之成功僅踰兩繫君之所注見光前古與夫發
天地之秘藏知鬼神之情狀者合其心矣君又

以幽贊神明非杵軸於人事經營訓導迺優游
於聖作於是編次論語各以群分窮源造極爲
之古訓仰貫一以知歸希體二而致遠爲言式
序大義昭然文中子之居龍門也睹隋室之將
喪知吾道之未行循歎鳳之遠圖宗獲麟之遺
制裁成大典以贊孔門討論漢魏迄于晉代刪
其詔命爲百篇以續書甄正樂府取其雅奧爲
三百篇以續詩又自晉太熙元年至隋開皇九
年平陳之歲褒貶行事述元經以法春秋門人

薛收竊慕因爲元經之傳未就而歿君思崇祖
德光宣奧義續薛氏之遺傳制詩書之衆序包
舉藝文克融前烈陳群稟太丘之訓時不逮焉
孔伋傳司寇之文彼何功矣詩書之序並冠於
篇元經之傳未終其業命不我與有涯先謝春
秋二十八皇唐上元三年秋八月不改其樂顏
氏斯殂養空而游賈生終逝嗚呼天道何哉所
注周易窮乎晉卦又注黃帝八十一難幸就其
功撰合論十篇見行於代君平生屬文歲時不

倦綴其存者纔數百篇嗟乎促齡材氣未盡歿
而不朽君子貴焉兄勗及劇磊落詞韻鏗錡風
骨皆九變之雄律也弟助及勗摠括前藻網羅
群思亦一時之健筆焉友愛之至人倫所及永
言存歿何痛如之援翰紀文咸所未悉蓋以投
分相期非宏詞說潛然擊涕究而序之分爲二
十卷具諸篇目三部盛作恨不序於生前七志
良書空得撰於身後神其不遠道或存焉

開化圖書館
kaikwa library

王子安集共十六卷

張燮識

王勃集至文獻通考時尚存二十卷近世永
嘉僅行其詩賦作二卷今為彙錄諸篇得十

卷六

參訂諸名公姓氏

姚江施邦曜爾韜

梁谿曹荃二元宰定

會稽曹惟才無奇

甬東楊德周南仲較

三山徐燭興公

曹學佺能始

閩漳王志道而弘

盧化鰲爾騰

黃道周幼玄

魏呈潤中嚴

溫陵池顯方直夫

弟張紹科煙叔閱

王子安集共十

卷

卷

王子安集目錄

卷之一

賦

春思賦 并序

七夕賦

九成宮東臺山池賦 并序

廟山賦 并序

寒梧棲鳳賦

江曲孤鳧賦 并序

馴鷯賦

卷之二

賦

採蓮賦

并序

澗底寒松賦

并序

慈竹賦

并序

青苔賦

并序

四言古詩

倬彼我系

勃兄勵序

卷五 五言古詩

上巳浮江宴韻得陟字

六 春日宴樂遊園韻得接字

山亭夜宴

詠風

懷仙 并序

忽夢遊仙

七言古詩

秋夜長

採蓮曲

臨高臺

滕王閣

江南弄

落花落

寒夜懷友二首

六言古詩

附

雜曲

卷之三

開

Harvard Library

五言律詩

銅雀妓二首

聖泉宴

并序

尋道觀

其觀即昌利觀而張天師居也

散關晨度

別薛華

重別薛華

遊梵宇三覺寺

麻平晚行

送盧主簿

餞韋兵曹

白下驛餞唐少府

杜少府之任蜀州

仲春郊外

郊興

郊園卽事

觀佛跡寺

山居晚眺贈王道士

八仙逕

寺南又有昌利觀去寺可數里巖逕窈窕杖而後進

春日還郊

對酒春園作

觀內懷仙

秋日別王長史

上巳浮江宴韻得遙字

長橋

羈遊餞別

易陽早發

焦岬早行和陸四

溪灣夜宿 主人依山帶江

傷裴錄事喪子

五言排律

泥谿

秋日仙遊觀贈道士

一作駱賓王詩無首四句

出境遊山二首

三月曲水宴得樽字

盧照鄰和得樽字附

五言絕句

晚屈鳳州

羈春

林塘懷友

山扉夜坐

春莊

春遊

春園

林泉獨飲

登城春望

他鄉敘興

夜興

臨江二首

江亭夜月送別二首

別人四首

贈李十四四首

早春野望

山中

冬郊行望

寒夜思友三首

始平晚息

扶風晝屈離京浸遠

普安建陰題壁

九日

七言絕句

秋江送別二首

蜀中九日登玄武山旅眺

盧照鄰九月九日玄武山旅眺附

邵大震九月九日登玄武山旅眺附

河陽橋代竇郎中佳人答楊中舍

卷之四

序

續書序

黃帝八十一難經序

四分律宗記序

入蜀紀行詩序

三月上巳祓禊序

守歲序

山亭興序

山亭思友人序

卷之五

序

滕王閣詩序

遊山廟序

梓潼南江泛舟序

上巳浮江宴序

綿州北亭羣公宴序

夏日登龍門樓寓望序

夏日登韓城門樓寓望序

秋日遊蓮池序

越州秋日宴山亭序

秋日宴洛陽序

卷之六

序

開

晚秋遊武擔山寺序

宇文德陽宅秋夜山亭宴序

遊冀州韓家園序

夏日宴張二林亭序

夏日宴宋五官宅觀畫障序

秋日宴李處士宅序

春日孫學宅宴序

與員四等宴序

夏日諸公見尋訪詩序

仲氏宅宴序

江盜吳少府宅餞宴序

還冀州別洛下知己序

春夜桑泉別王少府序

卷之七

序

秋日楚州郝司戶宅餞崔使君序

秋晚入洛於畢公宅別道王宴序

越州永興李明府宅送蕭三還齊州序

秋夜於綿州羣官席別薛昇華序

秋日餞別序

冬日羈游汾陰送韋少府入洛序

餞宇文明序

感興奉送王少府序

別盧主簿序

送李十五序

送白七序

送劼弟赴太學序

卷之八

表

上九成宮頌表

上拜南郊頌表

爲原州趙長史請爲父母度人表

啓

上從舅侍郎啓

上武侍極啓

又

上李常伯啓

上皇甫常伯啓

又

上吏部裴侍郎啓

上明員外啓

上許左丞啓

上郎都督啓

卷之九

書

上劉右相書

上絳州上官司馬書

爲人與蜀城父老書

又

與契苾將軍書

上百里昌令書

卷之十

論

三國論

八卦十大演論

平臺秘畧論十首

孝行一

貞脩二

文藝三

忠武四

益政五

尊師六

褒客七

幼俊八

規諷九

慎終十

卷之十一

頌

乾元殿頌

并序

拜南郊頌

并序

卷之十二

頌

八

九成宮頌

贊

平臺秘畧贊

孝行第一

貞脩第二

藝文第三

忠武第四

善政第五

尊師第六

褒客第七

幼俊第八

規諷第九

慎終第十

卷之十三

碑

益州夫子廟碑

彭州九隴縣龍懷寺碑

卷之十四

碑

梓州玄武縣福會寺碑

梓州飛鳥縣白鶴寺碑

梓州通泉縣惠普寺碑

卷之十五

碑

益州德陽縣善寂寺碑

益州綿竹縣武都山淨惠寺碑

梓州郫縣兜率寺浮圖碑

梓州郫縣靈瑞寺浮圖碑

卷之十六

碑

廣州寶莊嚴寺舍利塔碑

行狀

常州刺史平原郡開國公行狀

王子安集卷之一

唐龍門王勃子安著

明閩漳張燮紹和纂

賦

春思賦 并序

咸亨二年余春秋二十有二旅寓巴蜀浮遊歲序殷憂明時坎壈聖代九隴縣令河東柳太易英達君子也僕從遊焉高談胸懷頗洩憤懣于時春也風光依然古人云風景不殊舉目有山

河之異不其悲乎僕不才耿介之士也竊稟宇宙獨用之心受天地不平之氣雖弱植一介窮途千里未嘗下情於公侯屈色於流俗凜然金石自匹猶不能忘情於春則知春之所及遠矣春之所感深矣此僕所以撫窮賤而惜光陰懷功名而悲歲月也豈徒幽宮狹路陌上桑間而已哉屈平有言日極千里傷春心因作春思賦幾乎以極春之所至析心之去就云爾

若夫年臨九域韶光四極解宇宙之嚴氣起亭

臯之春色况風景今同序復江山之異國感大
運之虛盈見長河之紆直蜀川風候隔秦川今
年節物異常年霜前柳葉銜霜翠雪裏梅花犯
雪妍霜前雪裏知春早看柳看梅覺春好思萬
里之佳期憶三秦之遠道淡蕩春色悠揚懷抱
野何樹而無花水何堤而無草於是僕本浪人
平生自淪懷書去洛抱劔辭秦惜良會之適邁
厭他鄉之苦辛忽逢邊候改遙憶帝鄉春帝鄉
迢遞關河裏神臯欲暮風煙起黃山半入上林

園玄灞斜分曲江水玉臺金闕紛相望千門萬
戶遙相似昭陽殿裏報春歸未央臺上看春暉
水精却掛鴛鴦幔雲母斜開翡翠幃競道西園
梅色淺爭知北闕柳陰稀斂態調歌扇迴身正
舞衣銀蠶吐絲猶未暖金燕銜泥試學飛妾本
幽閨學歌舞寧知漢代多巡撫前年齋祭謁甘
泉今歲笙簫祠后土桃花萬騎喧長薄蘭葉千
旗照平浦見原野之芳春憶山河之遠古長安
路狹遶長安公子春來不厭看杏葉裝金轡蒲

荀縷玉鞍聳蓋臨平樂迴笳出上蘭上蘭經鄠
杜揮鞭日將暮白馬新臨御溝道青牛近出章
臺路章臺接建章垂柳復垂楊草開馳馬埒花
滿鬪雞塲南鄰少婦多妖婉北里王孫駐行憶
乍怪前春節候遲預道今年寒食晚傷紫陌之
春度惜青樓之望遠紫陌青樓照月華珠帷繡
帳七香車蛾眉畫來應幾樣蟬鬢梳時半欲斜
恨雕鞍之屈晚痛銀箭之更賒行行避葉步步
看花因狂夫之蕩子成賤妾之倡家狂夫去去

無窮已賤妾春眠春未起自有蘭閨數十重安
知榆塞三千里榆塞連延玉關側雲間沉沉不
可識葱山隱隱金河北霧裡蒼蒼幾重艷忽有
驛騎出幽并傳道春衣萬里程龍沙春草遍瀚
海春雪生疎勒井泉寒尚竭燕山烽火夜應明
聞道河源路遠遠誰教夫壻苦行行君行塞外
多霜露爲想春臺起煙霧遊絲空冑合歡枝落
花自遶相思樹春望年年絕幽閨離緒切春色
朝朝異邊廷羽書至都護新封萬里侯將軍稍

定三邊地長旆猶銜掃雲色寶刀尚擁干星氣
昨夜祁連驛使還征夫猶在鴈門關君度山川
成白首應知歲序歇紅顏紅顏一別成胡越夫
婿連延限城闕羌笛橫吹隴路風戎衣直照關
山月春色徒盈望春悲殊未歇復聞天子幸關
東馳道煙塵萬里紅析羽搖初日繁笳思曉風
後騎猶分長樂館前旌已映洛陽宮洛陽宮城
紛合沓離房別殿花周匝河陽別舍抵長河丹
輪紺幘相經過戚里繁珠翠中閨盛綺羅鳳移

金谷舞鶯引石城歌向夕天津洛橋暮爭驅紫
燕黃牛度閒居伊水園舊宅邙山路武子新布
金錢埒季倫欲碎珊瑚樹復道西墉春霧寡更
值南津春望寫入金市而乘羊出銅街而試馬
葉抱露而爭密花牽風而亂下錦障縈山羅幃
照野司空令尹之博物二陸三張之文雅新年
柏葉之樽上巳蘭英之葦春來併是春何啻兩
違秦忽逢江外客復憶江南春羅衣乘北渚錦
袖出東隣江邊小婦無形迹特怨狂夫事行役

鳳凰山上花無數鸚鵡洲中草如積春江澹容
與春期無處所春水春魚樂春汀春鴈舉君道
玉門關何如金陵渚爲問逐春人年光幾處新
何年春不至何地不宜春亦有當春逢遠客亦
有當春別故人風物雖同候悲歡各異倫歸去
春山恣閑放蕙畹蘭臯行可望何爲悠悠坐惆
悵比來作客住臨邛春風春日自相逢石鏡巖
前花屢密玉輪江上葉頻濃高平灞岸三千里
少道梁山一萬重自有春花煎別思無勞春鏡

七夕賦

若夫乾靈鵲讖之端地輔龍驂之始憑紫都而
受曆按玄丘而命紀鳳毛鍾桂閩之祥麟角燦
椒庭之祉馳朱軒於九域振黃麾於萬里抗芝
館而星羅擢蘭宮而霞起則有皇慈霧洽聖渥
天浮庭分玉禁邸瞰金樓剪鳧洲於細柳披鶴
籞於長楸啟魚鈴而分帝術授虹壁而控神州
擁黃山於石磴洩玄灞於銅溝列瑤牕而送燠
闢銀牖而迎秋君王乃排青幌搖朱舄戒鷓輿

靜鸞掖繞露廊而轉步
倏雲阡而縱跡
嘯陳客於金牀
命淮仙於桂席
翔翠罕於金甸
迎吹簫於鳳驛
佇靈匹於星期
眷神姿於月夕
于時玉繩湛色
金漢餘光
煙淒碧樹
露濕銀塘
視蓮潭之變彩
見松院之生涼
引驚蟬於寶瑟
宿蘭燕於瑤筐
綠臺兮千仞
賴樓兮百常
拂花筵而慘惻
披葉序而徜徉
結遙情於漢陌
飛永睇於霞莊
想佳人兮如在
怨靈歡兮未揚
促遙悲於四運
味遺歌於七襄
於是虬簷晚靜
魚扃夜飾
忘

帝子之光華下君王之顏色握犀管展魚箋顧
執事招仲宣仲宣跪而稱曰臣聞九變無津三
靈有作布元氣於浩蕩運太虛於寥廓辨河鼓
於西壘降天孫於東堦循五緯而清黃道正三
衡而澄紫落海人支石之機江女穿針之閣鄙
塵情於春念擬仙契於秋諾河光清地紀山氣
斂天標霜凝碧宙水瑩丹青耀麟軒於霧術褰
羽旆於星橋徵赤螭而架渚漾青翰而乘潮停
翠梭兮卷霜縠引鴛杼兮割冰綃舉黃花而乘

月駕籠黛葉而卷雲翹撫今情而恨促指來渚

而傷遙既而丹軒黃

一作萬

拱紫房朱

一作千

籥仙

御逶遲靈徒擾弱風驚雨驟煙迴電爍媧皇召

巨野之龍莊叟命雕陵之鵲駐麟駕披鸞幕奏

雲和汎霞酌碧虬玉室之饌白兔銀臺之藥荷

葉頰鮫芙蓉青雀上元錦書傳寶字王母瓊箱

薦金約綵襍魚頭比目縫香緘燕尾同心縛羅

帳五花懸珉砌百枝然下芸幃而睭枕弛蘭服

而交筵託新歡而密勿懷往眷而潺湲於是羈

鸞切鏡旅鶴驚絃悲侵玉履念起金鈿儼歸裝
而容曳整還蓋而遷延洞庭波今秋水急關山
晦今夕露連謂河漢之無浪似參商之永年君
王乃背彤砌陟玄室冲想自閒神情如逸痛靈
妃之稀偶嘉沉思之可畢荆豔齊升燕佳竝出
金釵玉韻蕙心蘭質珠櫳綺檻北風臺繡戶雕
牕南向開響曳紅雲歌面近香隨白雪舞腰來
掩清琴而獨進凌絳樹而輕廻盧女黃金之梳
張家碧玉之杯奉君王於終夕夫何怨於良媒

俄而月還西漢霞臨東沼鳧氏鳴秋雞人唱曉
玉關控鶴瓊林飛鳥君王乃馭風殿而長懷俯
雲臺而自矯矜雅範而霜高穆沖衿而霞眇迎
十客召三英香涵蔗耐吹肅蘭旌娃館疎兮綠
草積歡房寂今紫苔生聳詞源於月徑披翰藪
於雲肩方絕元凱而高視豈與梁楚而駢轂

關化

九成宮東臺山池賦 并序

九成宮東臺地接閑曠面山臨水爾其松峰桂
壑紅泉碧磴金石千巖雲霞萬色侍郎張公雅
思沉鬱永懷梓匠式侔仙造聿構靈厖織波成
止水之源拳石儼干霄之狀雖流波覆簣俯籍
人機而布葉攢花渺同天會僕因暇日濫奉清
埃敢抽南畝之才聊敘東山之事云爾

若夫金臺妙境玉署仙居酌丹池一作墀之曉暇
候青禁之宵餘驟冲情於月道飛峻賞於煙墟

指山楹而思逸懷水鏡而神虛旣而仰瞻赧嶠
傍窺黛壑複嶂煙迴攢溪霧錯偉沉用之兼濟
想神功之可作規疊巘于盤龍憲飛泉于挂鶴
覆簣而縈巖磴浮芥而環川壑採拳石於瑤濱
舉纖珠於綺薄萍徙楚江之帶花轉崑墟之萼
岫蘊玉而虹驚浦涵珠而星落美仁智之同歸
信高淡之縱託爾其危岑漏景曲渚畱寒高松
偃鶴清篠鳴鸞被蘭丘而結珮照蓮服而披冠
激坳堂於別激引膚寸於危巒若乃嶺橫雞秀

波連鳳液花鳥縈紅蘋魚漾碧綠衣玄袵蘋鱗
翠額在林藪而同歡望江湖而齊適及夫景沉
西嶠月下東濱峰澗夜久潭靜秋新荷抽水蓋
薜引山茵雪芝獻液露菊傾津嗣南商之逸興
有東海之遐賓保林泉而肆賞混簪紱而同塵
何濯纓之有地如攀桂之無因

三才集

卷一

一

開化圖書館

Kaizhuo library

遊廟山賦

并序

玄武山西有廟山東有道君廟蓋幽人之別府也長蘿巨樹梢翳雲日王子馭風而遊泠然而喜蓋懷霄漢之舉而忘城闕之戀矣因欲攀洪崖於煙道邀羨門於天路仙師不存壯志徒爾俄而泉石移景秋陰方積松柏羣吟悲聲四起背鄉關者無復向時之榮焉嗚呼有其志無其時則知林泉有窮路之哭一作嗟煙霞多後時之歎不其悲乎遂作賦曰

陟彼山阿積石峩峩亭臯千里傷如之何啟松
崖之密蔭攀桂岳之崇柯隔浮埃於地絡披顛
氣於天羅爾其綠巖分徑蒼岑對室茵軒丹綯
芝塲翠密俯泉石之清泠臨風颺之瑟瑟仰紺
臺而攜手望玄都而容膝於是躡霞岡於玉砌
步雲岳於金壇懷妙童與真女想青螭及碧鸞
情恍恍而將逸心迴迴而未安見丹房之晚晦
知紫洞之宵寒旣而露昏千嶂煙浮四野恨流
俗以情多痛飛仙之術寡驅逸思於方外局高

情於天下使蓬瀛可得而宅焉何必懷於此都
也亂日已矣哉吾誰欺林壑逢地煙霞失時託
宇宙今無日俟鸞虬今未期他鄉山谷祇令人
悲

開化圖書館

kuahua library



寒梧棲鳳賦

鳳兮鳳兮來何所圖出應明主言棲高梧梧則
嶧陽之珍木鳳則丹穴之靈雛理符有契誰言
則孤遊必有方馱一作晒南飛之驚鵲音能中呂
嗟入夜之啼鳥况其靈光蕭散節物淒清疎葉
半殞高歌和鳴鳥也將託其宿止人也焉知乎
此情月照孤影風傳暮聲將振耀其五色俟蕭
韶之九成九成則那率舞而下懷彼衆會罔知
淳化雖璧沼可飲更能適於醴泉雖瓊林可棲

復想巡於竹榭念是欲往敢忘晝夜苟安安而
能遷則思思其不暇故當披拂寒梧翻然一發
自此西序言投北闕若用之銜詔冀宣命於軒
堦若使之遊池庶承恩於歲月可謂擇木而俟
處卜居而後歇豈徒比跡於四靈常栖栖而沒
沒

化
關

江曲孤鳧賦 并序

梓州之東南涪江之所合有潭焉周數十步青
壁絕地綠波澄天常有孤鳧棲蕩其側飛沉翻
啜而天性不違嗟乎宇宙之容我多矣造化之
資我厚矣何必處華池之內而求稻梁之恩哉
遂作賦曰

靈鳳翔兮千仞大鵬飛兮六月雖憑力而易舉
終候時而難發不如涑潭之鳥焉順歸潮而出
沒迹已存於江漢心非繫於城闕吮紅藻翻碧

蓮刷霧露棲雲煙迫之則隱馴之則前去就無
失沉浮自然爾乃忘機絕慮懷轂弄影乘馭浪
而神驚漾澄瀾而趣靜恥園雞之戀促悲塞鴻
之赴永知動息而多方屢沿洄而自省故其獨
泛單宿全真遠致反覆幽溪淹畱勝地傷雲鴈
之嬰繳懼泉魚之受餌甘辭稻梁之惠焉而全
飲啄之志也

馴鳶賦

海上兮雲中青城兮絳宮金山之斷鶴玉塞之
驚鴻謂江湖之漲不足聒謂宇宙之路不足窮
終銜石矢坐觸金籠轂酸夕露影怨秋風已矣
哉何氣高而望闊卒神瘁而智癢徒驚迹於仙
遊竟纏機於俗網未若茲禽猶融泛想漸丹丘
之麗質謝青田之逸響與道浮沉因時俯仰去
非內懼馴非外獎夫勁翮揮風雄姿觸霧力制
煙道神周天步鬱霄漢之弘圖受園亭之近顧

質雖滯於城闕策已成於雲路陳平負郭之居
韓信昌平之寓似達人之用晦混塵蒙而自託
類君子之含道處蓬蒿而不忤悲授餌之徒懸
痛開弦之自落故爾放懷於誕暢此寄心於寥
廓

關化圖

王子安集卷之二

唐龍門王勃子安著

明閩漳張燮紹和纂

賦

採蓮賦 并序

昔之賦芙蓉者多矣雖復曹王潘陸之逸曲孫
鮑江蕭之妙韻莫不權陳麗美粗舉採掇豈所
謂究厥麗態窮其風謠哉頃乘暇景歷覩衆製
伏翫累日有不满焉遂作賦曰

非登高可以賦者唯採蓮而已矣况洞庭兮紫
波復瀟湘兮綠水或暑雨今朝霽乍涼風兮暮
起黛質青跼煙周五湖紅葩絳蘼電鑠千里尤
見重於幽客信作謠於君子爾其珍族廣茂淑
類傳鮮藻河渭之空曲被沮漳之淪連燭澄灣
而爛爛亘修漲之田田豈直水區澤國江濬海
堧是以吳娃越豔鄭婉秦妍感靈翹於上節悅
瑞色於中年錦帆映浦羅衣塞川飛木蘭之畫
檝駕芙蓉之綺船問子何去幽潭採蓮已矣哉

誠不知其所以然賞繇物召興以情遷故其遊
泳一致悲欣萬緒至若金室麗妃璇宮佚女傷
鳳臺之寂寞厭鸞扃之間處侍飲南津陪歡北
渚見磯岍之紆直覲旌旄之低舉上苑神池芳
林御陂樓陰架泚殿綵乘漪張拜洛之容衛備
橫汾之羽儀簫鼓發兮龍文動鱗羽喧兮鷁首
移咸靚粧而麗服各分鶩而並馳蘋縈漿礪荇
觸船危視雲霞之沃蕩望林泉之蔽虧川泱泱
兮菡萏積水湛湛兮芙蕖披惜歲時兮易暮傷

君王兮未知折紺房與細葯攬紅葩及碧枝迴
綃裙兮竊獨歡步羅襪兮私自竒莫不驚香悼
色畏別傷離復有渚宮年少期門公子翠髮蛾
眉頰脣皓齒傅粉蘭臺之上偷香椒房之裏亦
復銜恩激誓佩寵絨愁承好賜之珍席奉嬉宴
之彩旂繡棟燠兮翠羽帳瑤塘曙兮青翰舟攀
條拾蘂沒波泝流池心寬而藻薄浦口窄而萍
稠和橈姬之衛吹接榜女之齊謳去復去兮水
色夕採復採兮荷華秋願承歡而卒歲長接席

而寡仇于時薊北無事關西始樂霧靜江垠氛
恬海漠寢怪氣於沅湘照榮光於河洛殊方異
類舞詠相錯王公卿士歌吹竝作則有侯家瑣
第戚里芳園穿池灞岍之曲蓄水河陽之源隄
防谷口島嶼輾轅嘉木畢植靈草具繁沉桂北
之丹藕擢荆南之紫根鬱萋萋而霧合粲擘擘
而霞翻洎乎氣徹都鄙景萃川陸麥雨微涼梅
飈淺燠命妖侶於石城嘯娛朋於金谷乃使綠
珠捧棹青棊理舳樽芳醪藉珍餼汎玉潭之瀾

漫遶金渠之隈隩石近水而苔濃岸連山而樹
複排芟末而爭遠託蘆間而競逐赴汨淩波飛
袿振羅風低綠幹水濺黃螺上客喧今樂未已
美人醉今顏將醜畏蓮色之如臉願衣香而勝
荷徘徊郢調悽愴燕歌念窮歡於水涘誓畢賞
於川阿結漢女邀湘娥北溪蘂尚密南汀花更
多恨光景今不住諸芳馨今謂何若乃南鄢義
妻東吳信婦結縵整佩承筐奉箒忽君子今有
行復良人今遠征南討九真百越北戍雞田鴈

城念去魂馱相視骨驚臨春渚今一送見秋潭
之四平與子之別煙波望絕念子之寒江山路
難水淡淡兮蓮葉紫風颭颭兮荷花丹剪瑤帶
而猶恨折瓊英而不歡旣而綠隈逗浦返棹歸
櫓睠芳草今已殘憶離居今方苦延素頸於極
漲攘皓腕於神滸惜佳期今末繇徒增思今何
補又若倡姬蕩媵命侶招羣淇上洛表湘臯汝
墳望洲草今翡翠色動浦水今驪龍文願解佩
以邀子思褰裳而從君悲時暮愁日曛鳴環釧

今響窈窕豔珠翠今光續紛憐曙野之絳氣愛
晴天之碧雲棹巡汀而柳拂船向渚而菱分棹
翠莖以翳景籠朱萼以爲裙挺楫凌亂雲流雨
散鳴榔絡繹霧罷煙釋狀飛虬之蜿蜿若驚鴻
之奕奕艇怯奔潮篙憎淺石絲着手而偏繞刺
牽衣而屢糜乃有貴子王孫乘閒縱觀何平叔
之符彩潘安仁之藻翰稅龍馬於金堤命臬舟
於石岍錦纜翻灑銀檣照爛日側光沉風驚浪
滾盼北渚之新贈恣東溪之密尋鴛鴦繡彩之

文履玳瑁瓊華之寶琴扣舷擊枓吳歛越吟溱
與洧兮葉覆水淮與濟兮花冒潯值明月之夕
出逢丹霞之夜臨茱萸歌兮軫妾思芍藥曲兮
傷人心伊採蓮之賤事信忘情之蓋寡雖兆迹
於水鄉遂風行於天下感極哀樂轂參鄭雅是
以緬察谷底窮覽地維北盡豐鎬滂南究江
沱越沂莫不俟期應節泂濤汎澹薄言採之興
言服之發文肩之嚴什動幽幌之情詩使人結
眷令人想思宜其色震百草香奪九芝棲碧羽

之神雀負青龜之寶龜紫秩流記丹經秘詞豈
徒加繡柱之光彩曄文井之華滋已哉向使時
無其族代乏厥類獨秀上清之境不生中國之
地學鸞鳳而時來與鸚鵡而間至必能使衆瑞
彩沒羣貺色沮湯武齋戒伊臯延佇豈俾夫秦
童趙僕倡姬豔女狎而翫之擷而採之乎時有
東鄙幽人西園舊客常陪帝子之輿經在天人
之籍詠綠竹於風曉賦朱華於月夕暑往寒來
忽矣悠哉蓬飄梗逝天涯海際似還邛之寥廓

同適越之淫滯蕭索窮途飄飆一隅昔聞七澤
今遇五湖聽菱歌今幾曲視蓮房今幾株非鄴
地之宴語異睢苑之歡娛况復殊方別域重瀛
複嶂虞翻則故鄉寥落許靖則生涯惆悵感芳
草之及時懼修名之或喪誓將剗跡賴上棲影
渭陽枕箕岫之孤石汎礪溪之小塘餐素實兮
吸絳芳荷爲衣今芰爲裳永潔已於丘壑長寄
心於君王且爲歌曰榮華息功名惻奇秀兮異
植紅光兮碧色稟天地之淑麗承雨露之霑飾

蓮有藕今藕有枝才有用今用有時何當婀娜
花實移為君含香藻鳳池

開化圖書
Kathua Libr

澗底寒松賦 并序

歲八月壬子旅遊於蜀尋茅溪之澗浚蹊絕磴
人跡罕到爰有松焉冒霜停雪蒼然百丈雖高
柯峻穎不能踰其岸嗚呼斯松託非其所出群
之噐何以別乎蓋物有殊類而合情士有因感
而成興遂作賦曰

惟松之植于澗之幽盤柯跨嶮脊抵憑流寓天
地兮何日凌霜露兮幾秋見時華之屢變知俗
態之多浮故其磊落殊狀森梢峻節紫葉吟風

王守安集 卷二
蒼條振雪嗟英鑒之稀遇保真容之未缺攀翠
嶠而形疲指丹青而望絕已矣哉蓋用輕則資
衆器宏則施寡信棟梁之已成非榱桷之相假
徒志遠而心屈遂才高而位下斯在物而有焉
余何爲而悲者

關化圖
kuanhua

慈竹賦 并序

廣漢山谷有竹名慈生必向內示不離本修莖
巨葉攢根沓抵叢之大者或至百千株焉而縈
結踰乎咫尺好事君子徙爲堦庭之翫焉吁嗟
非此土所有乃有厭流俗之譏動鄉關之思者
蓋撫高節而興歎覽嘉名而思歸遂爲賦曰
有竹猗猗生于高陂左連瑤帶右雜瓊枝恨幽
客之方賞嗟君侯之不知徙蔚丹谷遷榮綠池
氣凜凜而猶在色蒼蒼而未離屈巖壑之容貌

克堦庭之羽儀爾其劃疆分域駢陰抗趾疊幹
龍廻攢根鳳峙防碧露於霄末翳紅光於暈始
崇柯振而雲靄生繁葉動而風飈起擁涼砌之
晨肅屏炎扃之晝泮至若白藏載謝玄英肇切
塞北河堅關南地裂觀衆茂之咸悴驗貞輝之
獨潔抽勁綠以垂霜總嚴青而負雪蓋同類之
常稟非殊方之異節若乃宗生族茂天長地久
萬抵爭盤千株競糾如母子之鈎帶似閨門之
悌友恐孤秀而成危每羣居而自守付美名之

天屬而和氣之冥受嗟乎道之存矣物亦自有
一作不背仁而貪地不藏節以遯時故其貞不
有之自眩用不見疑保夷險之無易晒榮枯之有期
俄蓬轉於岷徼遂萍流於江汜分兄弟於兩鄉
隔晨昏於萬里撫貞容而骨愧伏嘉號而心歎
庶因感而長懷將策情而勵已

開化圖書館
Kaihua Library



青苔賦 并序

吾之旅遊數月矣憇乎荒澗覩青苔焉緣崖而
上乃喟然歎曰嗟乎苔之生於林塘也爲幽客
之賞苔之生於軒庭也爲居人之怨斯擇地而
處無累於物也愛憎從而生遂作賦曰

若夫桂洲蒼澗松崖祕液繞江曲之寒沙抱叢
幽之古石汎廻塘而積翠縈修樹而凝碧契山
客之奇情諧野人之妙適及其瑤房有寂瓊室
無光霏微君子之砌蔓延君侯之堂引浮青而

泛露散輕綠而承霜起金鈿之舊感驚玉筋之
新行若夫弱質綿幕纖滋布淺措形不用之境
託跡無人之路望夷險而齊歸在高深而委遇
惟愛憎之未染何悲歡之詭赴宜其背陽就陰
違喧處靜不根不蒂無華無影恥桃李之暫芳
笑蘭桂之不永故順時而不競每乘幽而自整

四言古詩

倬彼我系

勃兄勵序

倬彼我系舍弟虢州叅軍勃所作也傷迫乎
家貧道未成而受祿不得如古之君子四十
強而仕也故本其情性原其事業因陳先人
之迹以議出處致天爵之艱難也

倬彼我系出自有周分疆錫社派別枝流居衛
仕宋匡羸相劉乃武乃文或公或侯晉曆崩圻
衣冠擾弊粵自太原播徂江澨禮喪賢隱時屯

道閉王室如燬生人多殪伊我有器思逢其主
自東旋西擇木開宇田彼河曲家乎汾浦天未
厭亂吾將誰輔伊我祖德思濟九壤不常厥所
于茲五遷欲及時也夫豈願焉其位雖屈其言
則傳爰述帝制大蒐王道曰天曰人是祖是考
禮樂咸若詩書具草貽厥孫謀永爲家寶伊余
小子信慚明哲彼網有條彼車有轍思屏人事
克終前烈于嗟代網卒余來綫來綫伊何謂余
曰仕我瞻先達三十方起夫豈不懷高山仰止

願言毓德啜菽飲水有烏反哺其聲嗷嗷言念
舊德憂心忉忉今我不養歲月其滔僊俛從役
豈敢告勞從役伊何薄求卑位告勞伊何來參
卿事名存實爽負信愆義靜言遐思中心是愧

關化圖

開化圖書館

Kaishua library

五言古詩

上巳浮江宴韻得陟字

披觀玉京路駐賞金臺陟逸興懷九仙良辰傾
四美松吟白雲際桂馥清谿裏別有江海一作漢
心日暮情何已

春日宴樂遊園韻得接字

帝里寒光盡神臯春望浹梅郊落晚英柳甸驚
初葉流水抽奇弄崩雲灑芳牒清尊湛不空暫
喜平生接

山亭夜宴

桂宇幽襟積松臺涼夜永森沈野逕寒蕭穆巖
扉靜竹晦南阿色荷翻北潭影清興殊未闌林
端照初景

詠風

蕭蕭涼風

一作景

生加我林壑清驅煙尋磻戶卷

霧出山楹去來固無跡動息如有情日落山水
靜爲君起松轂

懷仙

并序

客有自幽山來者啟予以林壑之事而煙霞
在焉思解纓紱永詠山水神與道超跡爲形
滯故書其事焉

鶴岑有奇徑麟洲富仙家紫泉漱珠液玄巖列
丹葩常希披塵網眇然登雲車鸞情極霄漢鳳
想疲煙霞道存蓬瀛近意愜朝市賒無爲坐惆
悵虛此江上華

忽夢遊仙

僕本江上客牽跡在方內寤寐霄漢間居然有

靈對翕爾登霞首依然躡雲背電策驅龍光煙
途儼鸞態乘月披金帔連星解瓊珮浮識俄易
歸真遊邈難再寥廓沈遐想周遶奉遺誨流俗
非我鄉何當釋塵昧

化
a r h n a

七言古詩

秋夜長

秋夜長殊未央月明露白澄清光層城綺閣遙
相望川無梁北風受節南鴈翔崇蘭委質時菊
芳鳴環曳履出長廊爲君秋夜擣衣裳織羅對
鳳凰丹綺雙鴛鴦調砧亂杵思自傷征夫萬里
戍他鄉鶴關音信斷龍門道路長君在天一方
寒衣徒自香

採蓮曲

採蓮歸綠水芙蓉衣秋風起浪鳧飛桂棹蘭
橈下長浦羅裙玉腕輕搖櫓葉嶼花潭極望平
江謳越吹相思苦相思苦佳期不可駐塞外征
夫猶未還江南採蓮今已暮採蓮花渠今那必
盡娼家官道城南把桑葉何如江上採蓮花蓮
花復蓮花花葉何稠疊葉翠本羞看花紅強如
頰佳人不在茲悵望別離時牽花憐共蒂折藕
愛連絲故情無處所新物徒華滋不惜西津交
佩解還羞北海鴈書遲採蓮歌有節採蓮夜未

歇正逢浩蕩江上風又值徘徊江上月徘徊蓮
浦夜相逢吳姬越女何丰茸共問寒江千里外
征客關山路幾重

臨高臺

臨高臺臨高臺迢迢絕浮埃瑤軒綺構何崔嵬
鸞歌鳳吹清且哀俯瞰長安道萋萋御溝草斜
對甘泉路蒼蒼茂陵樹高臺四望同佳氣鬱葱
葱紫閣丹樓紛照耀璧房錦殿相玲瓏東迷長
樂觀西指未央宮赤城映朝日綠樹搖春風旗

亭百隊開新市甲第千甍分戚里朱輪翠蓋不
勝春疊榭層楹相對起復有青樓大道中繡戶
文牕雕綺櫳錦衾晝不爨羅幃夕未空歌屏朝
掩翠粧鏡晚窺紅爲君安寶髻蛾眉罷花叢塵
間狹路黯將暮雲開月色明如素鴛鴦池上兩
兩飛鳳凰樓下雙雙度物色正如此佳期那不
顧銀鞍繡轂盛繁華可憐今夜宿娼家娼家少
婦不須顰東園桃李片時春君看舊日高臺處
柏梁銅雀生黃塵

滕王閣

滕王高閣臨江渚
珮玉鳴鸞罷歌舞
畫棟朝飛南浦雲
朱簾暮捲西山雨
閒雲潭影日悠悠
物換星移度幾秋
閣中帝子今何在
檻外長江空自流

江南弄

江南弄巫山連
楚夢行雲幾相送
瑤軒金谷上春時
玉童仙女無見期
紫霧香煙眇難託
清風明月遙相思
遙相思草徒綠
爲聽雙飛鳳凰曲

落花落

落花落落花紛紛漠漠綠葉青
耐映丹萼與君徘徊上金閣
影拂粧階玳瑁筵香飄舞館
茱萸幙落花飛撩亂入中帷
落花春正滿春人歸不歸
落花度氛氲遶高樹落花春已繁
春人春不顧綺閣青臺靜且閒
羅袂紅巾復往還盛年不再得
高枝難重攀試復日遊落花裏
暮宿落花間與君落花落院臺上
起雙鬟

寒夜懷友二首

北山煙霧始茫茫南津霜月正蒼蒼秋深客思
紛無已復值征鴻中夜起
複閣重樓向浦開秋風明月度江來故人故情
懷故宴相望相思不相見

六言古詩


附

雜曲

智瓊神女來訪文君蛾眉始約羅裙初薰歌齊
曲韻舞亂行分若向陽臺薦枕何啻得勝朝雲

開化圖書館

Wakuhwa Library



王子安集卷之三

唐龍門王勃子安著

明閩漳張燮紹和纂

五言律詩

銅雀妓二首

金鳳鄰銅雀漳河望鄴城
君王無處所臺榭若平生
舞席紛何就歌梁儼未傾
西陵松檟冷誰見綺羅情

妾本深宮妓層城閉九重
君王歡愛盡歌舞爲

誰容錦衾不復襪羅衣誰再縫高臺西北望流
涕向青松

聖泉宴

并序

玄武山有聖泉焉浸淫歷數百千年乘巖泌
湧接磴分流下瞰長江沙堤石岸咸古人遺
跡也茲乃青蘋綠芰紫苔蒼蘚遂使江湖思
遠寤寐寄託旣而崇巒左岷石壑前縈丹萼
萬尋碧潭千頃松風唱響竹露薰空瀟瀟乎
人間之難遇也方欲以林壑爲天屬琴樽爲

日用嗟乎古今代謝方深川上之悲少長同
遊且盡山陰之樂盍題芳什共寫高情詩得
泉字

披襟乘石磴列籍俯春泉蘭氣薰山酌松聲韻
野弦影飄垂葉外香度落花前興洽林塘晚重
巖起夕煙

尋道觀

其觀卽昌利觀
而張天師居也

芝廕光分野蓬闕盛規模碧壇清柱闕丹洞肅
松樞玉笈三山記金箱五嶽圖蒼虬不可見一作

得空望白雲衢

散關晨度

關山凌旦開石路無塵埃白馬高談去青牛真
氣來重門臨巨壑連棟起崇隈卽今揚策度非
是棄繻回

別薛華

送送多窮路遑遑獨問津悲涼千里道悽斷百
年身心事同漂泊生涯共苦辛無論去與住俱
是夢中人

重別薛華

明月沉珠浦
秋風濯錦川
樓臺臨絕岨
洲渚亘長天
旅泊成千里
棲遑共百年
窮途惟有淚
還望獨潛然

遊梵宇三覺寺

香閣披青磴
瑤臺控紫岑
葉齊山路狹
花積野壇深
蘿幌棲禪影
松門聽梵音
遽欣陪妙躅
延賞滌煩襟

麻平晚行

百年懷土望千里倦遊情高低尋戍道遠近聽
泉磬礪葉纔分色山花不辨名羈心何處盡風
急暮猿清

送盧主簿

窮途非所恨虛室自相依城闕居年滿琴樽俗
事稀開襟方未已分袂忽多違東巖富松竹歲
暮幸同歸

餞韋兵曹

征驂臨野次別袂憐江垂川霽浮煙斂山明落

照移鷹風凋晚葉蟬露泣一作秋枝亭臯分遠
望延想間雲涯

白下驛餞唐少府

下驛窮交日昌亭旅食年相知何用早懷抱卽
依然浦樓低晚照鄉路隔風煙去去如何道長
安在日邊

杜少府之在蜀州

城闕輔三秦風煙望五津與君離別意同是宦
遊人海內存知己天涯若比隣無爲在岐路兒

王三安集 卷三 四 五
女共霑巾

仲春郊外

東園垂柳徑西堰落花津物色連三月風光絕
四鄰鳥飛村覺曙魚戲水知春初晴山院裏何
處染囂塵

郊興

空園歌獨酌春日賦閒居澤蘭侵小徑河柳覆
長渠雨去花光濕風歸葉影疎山人不惜醉唯
畏綠樽虛

郊園卽事

煙霞春日

一作早

賞松竹故年心斷山疑畫障懸

瀟瀟鳴琴草徧南亭合花濃

一作開

北院深開居

饒酒賦隨興欲抽簪

觀佛跡寺

蓮座神容儼松崖聖跡餘年長金跡淺地久石
文疎頽華臨曲磴傾影赴前除共嗟陵谷遠俄
視化城虛

山居晚眺贈王道士

金壇疎俗宇玉洞侶仙羣花枝栖晚露峰葉度

晴雲斜照移山影迴沙擁溜一作文琴樽方待

興竹樹已迎曛

八仙逕

寺南又有昌利觀去寺可數里巖逕窈窕杖而後進

柰園欣八正松巖訪九仙援蘿窺霧術攀桂俯

雲阡

一作煙

代北鸞駮至遼西鶴騎旋終希脫塵

網連翼下芝田

春日還郊

閒情兼默語

一作默默

攜杖赴巖泉草綠縈新帶愉

青緞古錢魚牀侵岝水鳥路入山煙還題平子
賦花樹滿春田

對酒春園作

投簪下山閣攜酒對河梁
挾水牽長鏡高花送
斷香繁鴛歌似曲疎蝶舞成行
自然催一醉非
但閱年光

觀內懷仙

玉架殘書隱金壇舊跡迷
牽花尋紫洞一作步
葉下清谿瓊漿猶類乳
石髓尚如泥自能成羽

翼何必仰雲梯

秋日別王長史

別路長

一作餘

千里深恩重百年正悲西候日更

動北梁篇野色籠寒霧山光歛暮煙終知難再

奉懷德自潸然

上巳浮江宴韻得遙字

上巳年光促中川興緒遙綠齊山葉滿紅洩
花銷泉殿喧後澗虹影照前橋遠悲春望遠江
路積波潮

長柳

晨征犯煙磴夕憇在雲關晚風清近壑新月照
澄灣郊童樵唱返津叟釣歌還客行無與晤賴
此釋愁顏

羈遊錢別

客心懸隴路遊子倦

一作倦

江干槿豐

一作濃

朝砌

靜篠密夜牕寒琴鼓銷別恨風景駐離歡寧竟
山川遠悠悠旅思難

易陽早發

王于... 卷三
第...
飭裝侵曉月奔策候殘星危閣尋丹嶂迴梁屬
翠屏雲間迷樹影霧裏失峰形復此涼飈至空
山飛夜螢

焦岍早行和陸四

侵星違旅館乘月戒征儔
複嶂迷晴色虛巖辨
暗流猿吟山漏曉螢散野風秋
故人渺何際鄉
關雲霧浮

溪灣夜宿

主人依山帶江

津途臨巨壑村宇架危岑
堰絕灘敲隱峰交樹

影淡江童暮理楫山女夜調砧此時故鄉遠寧
知遊子心

傷裴錄事喪子

蘭塔霜候早松路窈

一作夜

臺淡魄散珠胎沒芳

銷玉樹沈露文晞宿草煙照慘平林芝焚空歎
息流恨滿蘼金

開化圖書館

Kaishwa Library

五言排律

泥谿

弭棹凌奔壑，低鞭躡峻岐。
江濤出岝嶭，險峰磴入
雲危。溜急船文亂，巖斜騎影移。
水煙籠翠潄山照，落丹崖。
風生蘋浦葉，露泫竹潭枝。
泛水雖云美，勞歌誰復知。

秋日仙遊觀贈道士

一作駱賓王詩無首四句

石圖分帝宇，銀牒洞靈宮。
迴丹縈岫室，複翠上巖櫺。
霧濃金竈靜，雲暗玉壇空。
野花常捧露，山

葉自吟風林泉明月在詩酒故人同待余逢石
髓從爾命飛鴻

出境遊山二首

源水終無路山阿若有人驅羊先動石
走兔欲投巾洞晚秋泉冷巖朝古樹新
峰斜連鳥翅磴疊上魚鱗化鶴千齡早
元龜六代春浮雲今可駕滄海自成塵

振翮凌霜吹正月佇天淖爲鑣凌翠壑
飛軫控青岑巖溪靈竈沒澗澗石渠沈
宮闕雲間近江

山物外臨玉壇樓暮夜珠洞結秋陰蕭蕭離俗
影擾擾望鄉心誰意山遊好屢傷人事侵

三月曲水宴得樽字

彭澤官初去河陽賦始傳田園歸舊國詩酒間
長筵列室窺丹洞分樓瞰紫煙縈迴亘津渡出
沒控郊鄜鳳琴調上客龍轡儼羣仙松石偏宜
古藤蘿不記年重簷交密樹複磴擁危泉抗石
踰南嶺乘沙眇北川傳巖來築處磻溪入釣前
日斜真趣遠幽思夢涼蟬

盧照隣和得樽字附

風煙彭澤里山水仲長園
錄來棄銅墨本自重琴樽
高情邈不嗣雅道今復存
有美光時彥養德坐山樊
門開芳杜徑室距桃花源
公子黃金勒仙人紫氣軒
長懷去城市高詠狎蘭蓀
連沙飛白鷺孤嶼嘯玄猿
日影巖前落雲花江上翻
興闌車馬散林塘夕鳥喧

五言絕句

晚屆鳳州

寶雞辭舊域
仙鳳歷遺墟
去此近城闕
青山明

月初

羈春

客心千里倦
春事一朝歸
還傷北園裏
重見落花飛

林塘懷友

芳屏畫春草
仙杼織朝霞
何如山水路
對面卽

王三子集
卷三
二
方遶
飛花

山扉夜坐

抱琴開野室
攜酒對情人
林塘花月下
別是一
家春

春莊

山中蘭葉徑
城外李桃園
直知人事靜
不覺鳥
聲喧

春遊

客念紛無極
春淚倍成行
今朝花樹下
不覺戀

年光

春園

山泉兩處晚花柳一園春
還持千日醉共作百年人

林泉獨飲

丘壑經塗賞花柳遇時春
相逢今不醉物色自輕人

登城春望

物外山川近晴初景霽
新芳郊花柳徧何處不

宜春

他鄉敘興

綴葉歸煙晚
乘花落照春
邊城琴酒處
俱是越鄉人

夜興

野煙含夕渚
山月照秋林
還將中散興
來偶步兵琴

臨江二首

泛泛東流水
飛飛北上塵
歸驂將別棹
俱是倦

遊人

去驂嘶別路歸棹隱寒洲江臯木葉下應想故
城秋

江亭夜月送別二首

江送巴南木山橫塞北雲津亭秋月夜誰見泣
離羣

亂煙籠碧砌飛月向南端寂寂離亭掩江山此
夜寒

別人四首

五子文集 卷三 三
鳳
久客逢餘閏他鄉別故人自然堪下淚誰忍望
征塵

江上風煙積山幽雲霧多送君南浦外還望將
如何

桂輅初不駐蘭筵幸未開林塘風月賞應待故
人來

霜華淨天末霧色籠江際客子常畏人何爲久
畱滯

贈李十四四首

野客思茅宇山人愛竹林琴尊唯待處風月自
相尋

小徑偏宜草空庭不厭花平生詩與酒自得會
仙家

亂竹開三逕飛花滿四鄰從來揚子宅別有尚
玄人

風筵調桂軫月徑引藤杯直當花院裏書齋望
曉聞

早春野望

王... 卷三
江曠春潮白山長曉岫青他鄉臨眺一作極花
柳映邊亭

山中

長江悲已滯萬里念將歸况屬高風晚山山黃
葉飛

冬郊行望

桂密巖花白梨疎林葉紅江臯寒望盡歸念斷
征蓬

寒夜思友三首

久別侵懷抱他鄉變容色月下調鳴琴相思此
何極

雲間征思斷月下歸愁切鴻鴈西南飛如何故
人別

朝朝翠山下夜夜蒼江曲復此遙相思清尊湛
芳綠

始平晚息

觀闕長安近江山蜀道賒客行朝復夕無處是
鄉家

扶風晝屈離京浸遠

帝里金莖去扶風石柱來山川殊未已行路方
悠哉

普安建陰題壁

江漢深無極梁岷不可攀山川雲霧裏遊子幾
時還

九日

九日重陽節開門有菊花不知來送酒若箇是
陶家

七言絕句

秋江送別二首

早是他鄉值早秋
江亭明月帶江流
已覺逝川傷別念
復看津樹隱離舟

歸舟歸騎儼成行
江南江北互相望
誰謂波瀾纔一水
已覺山川是兩鄉

蜀中九日登玄武山旅眺

紀事云武山在東蜀勃以檄雞文斥出沛王府旣廢客劍南王有遊玄武山詩

九月九日望鄉臺
他席他鄉送客杯
人今

一作情

已厭南中苦鴻鴈那從北地來

盧照鄰九月九日玄武山旅眺附

九月九日眺山川歸心歸望積風煙他鄉共
酌金花酒萬里同悲鴻鴈天

邵大震九月九日登玄武山旅眺附

九月九日望遙空秋水秋天生夕風寒鴈一
向南飛遠遊人幾度菊花叢

河陽橋代竇郎中佳人答楊中舍

披風聽鳥長河路臨津織女遙相妬判知秋夕

王... 卷三... 鳳

帶帝還那及春朝攜手度

關化圖書
Kathua library

開化圖書館

Kaithua library

開化圖書館

Kaichua library

開化圖書館

Kaichua library

開化圖書館

Kaishwa Library

開化圖書館

Kaishwa Library

Blue Cyan Green Yellow Red Magenta White 3/Color

© The Tiffen Company, 2007

TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17
1 2 3 4 5 6 7




王子安集
一

開化圖書館
Kashima Library

蘭化圖書

lanhua library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color